

«ТАСДИҚЛАНГАН»

Акциядорлик тижорат
«Алоқабанк»

Кузатув кенгаши Раиси

 Ш.Х.Шерматов

2024 йил 3 декабрь

«РЎЙХАТДАН ЎТКАЗИЛГАН»

Ўзбекистон Республикаси
Истиқболли лойиҳалар
миллий агентлиги

Директорнинг биринчи ўринбосари

 В.Ю.Пак

2024 йил “11” декабрь Р0021-30 - сон

**АКЦИЯДОРЛИК ТИЖОРАТ «АЛОҚАБАНК»
ҚЎШИМЧА АКЦИЯЛАР ЧИҚАРИЛИШИ ТЎҒРИСИДАГИ ҚАРОРИ**

Идентификация рақами берилди:

R	U	1	3	0	P	0	0	2	1	R	2
---	---	---	---	---	---	---	---	---	---	---	---

Эгасининг номи ёзилган, ҳужжатсиз шаклдаги, номинал қиймати 1 (бир) сўм бўлган 500 000 000 000 (беш юз миллиард) дона умумий қиймати 500 000 000 000 (беш юз миллиард) сўмлик оддий акциялар.

Ушбу чиқарилишдаги акциялар **ёпиқ обуна** усули билан жойлаштирилади.

Акцияларнинг ушбу чиқарилиши **ўттизинчи** чиқарилишдир.

АТ «Алоқабанк» Кузатув кенгашининг 2024 йил 3 декабрдаги 92 - қарори билан акциялар чиқарилиши тўғрисида қарор тасдиқланган.

АТ «Алоқабанк» Кузатув кенгашининг 2024 йил 3 декабрдаги 92 - қарори билан акциялар чиқарилиши тўғрисида қарор қабул қилинган

Эмитентнинг жойлашган жойи, почта манзили, мулоқот телефонлари ва электрон почта манзили: **100164, Тошкент шаҳри, Мирзо Улуғбек тумани, Навниҳол МФЙ, Тепамасжид кўчаси, 4-уй. Тел.: 71-230-77-77, 71-232-83-67, Электрон почта манзили: info@aloqabank.uz.**

АТ «Алоқабанк»
Бошқарув Раиси в.б.:

 Ирисбекова Каммуна Наринбаевна

Бош бухгалтер в.в.б.:

 Мухитдинов Хайритдин Хуснутдинович

2024 йил 3 декабрь

1. Ушбу чиқарилишдаги эгасининг номи ёзилган акциялар тури (оддий ёки имтиёзли): **Оддий акциялар.**

2. Ушбу акциялар чиқарилишининг шакли: **Ҳужжатсиз шаклда.**

3. Ушбу чиқарилишдаги акцияларнинг номинал қиймати (сўм): **1 сўм.**

4. Ушбу чиқарилишдаги акцияларнинг сони (дона) - **500 000 000 000 (беш юз миллиард) дона.**

5. Ушбу чиқарилишнинг умумий ҳажми (сўм): **500 000 000 000 (беш юз миллиард) сўм.**

6. Ушбу чиқарилишдаги акциялар эгаларининг ҳуқуқлари:

- акциядорлар реестрига киритилиш ва ўзи ҳақида депо ҳисобварағидан кўчирма олиш;
- банк фойдасининг бир қисмини дивидендлар тарзида олиш ва уни эркин тасарруф этиш;
- акциядорларнинг умумий йиғилишида овоз бериш орқали банкни бошқаришда иштирок этиш;
- банкнинг молия-ҳўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш;
- акциядорларнинг умумий йиғилишида ўз вакили орқали иштирок этиш, ўз вакилини исталган вақтда алмаштириш ёки унда шахсан иштирок этиш;
- банк тугатилган тақдирда ўзларига тегишли улушга мос равишда мол-мулкнинг бир қисмини олиш;
- ўзига етказилган зарарнинг ўрни қопланишини белгиланган тартибда талаб қилиш;
- Ўзбекистон Республикасининг амалдаги қонун ҳужжатлари ва банк Устави билан белгиланган бошқа ҳуқуқлар.

7. Ушбу чиқарилишдаги акцияларнинг олинишига нисбатан жамият уставида ги ва(ёки) чиқарилиш тўғрисидаги қарордаги ҳар қандай чеклашлар:

Банк Уставида акциялар олинишига чекловлар ўрнатилмаган.

Ўзбекистон Республикасининг «Банклар ва банк фаолияти тўғрисида»ги Қонунига мувофиқ салоҳиятли инвестор ва акциядорлар томонидан акцияларини сотиб олишга қўйидаги чекловлар мавжуд:

1) Жисмоний ва юридик шахслар ёки биргаликда ҳаракат қилувчи шахслар, шу жумладан норезидентлар бир ёки бир неча битим натижасида банкнинг устав капиталидаги:

- беш ва ундан кўпроқ фоизни, лекин кўпи билан йигирма фоизни;
- йигирма ва ундан кўпроқ фоизни, лекин кўпи билан эллик фоизни;
- эллик ва ундан кўпроқ фоизни ташкил этадиган улушни бевосита ёки билвосита олишдан олдин Ўзбекистон Республикаси Марказий банкнинг Дастлабки рухсатномасини олишлари шарт.

2) Қўйидаги шахслар банк акциядорлари бўла олмайди:

- устав фондининг (устав капиталининг) эллик фоиздан ортиғи давлатга тегишли бўлган корхоналар ва ташкилотлар, агар қонунчиликда бошқача қоида назарда тутилмаган бўлса;

- имтиёзли солиқ режимини тақдим этувчи ва (ёки) охириги бенефициар мулкдорнинг шахсини ошкор қилиш ҳамда молиявий операцияларни ўтказиш чоғида ахборот тақдим этиш назарда тутилмайдиган давлатда ёки ҳудудда рўйхатга олинган юридик шахслар ва шундай давлатда ёки ҳудудда яшайдиган жисмоний шахслар.

Акциялар чиқарилиши тўғрисидаги қарорга мувофиқ банкнинг оддий акциялари эгалари бўлган акциядорлар, ушбу чиқарилишдаги акцияларни ўзига тегишли оддий акциялар сонига мутаносиб равишда имтиёзли олиш ҳуқуқига эга. Имтиёзли ҳуқуқнинг амал қилиш муддати тугагандан сўнг, мазкур чиқарилишдаги акцияларнинг қолган қисми ёпиқ обуна йўли билан фуқаро Axmedov Maxmud Madaminovich, Karimov Zoirjon Toxirovich, Xaydarov Akram Adxamovich, Yunusaliyev Shuxrat Raximovich va Fozilov Husanjon Ne'matovichларга мутаносиб равишда жойлаштирилади.

8. Банк устав капиталининг миқдори (сўм): **2 018 223 046 965** (икки триллион ўн саккиз миллиард икки юз йигирма уч миллион қирқ олти минг тўққиз юз олтмиш беш) сўм.

9. Илгари жойлаштирилган акциялар сони (турлари бўйича тақсимланган ҳолда кўрсатилади): **2 018 223 046 965** дона, шундан:

- ҳужжатсиз шаклдаги эгасининг номи ёзилган оддий акция – **2 014 533 046 965** дона;

- ҳужжатсиз шаклдаги эгасининг номи ёзилган имтиёзли акция – **3 690 000 000** дона.

10. Илгари жойлаштирилган корпоратив облигациялар сони (турлари ва кўринишлари бўйича тақсимланган ҳолда кўрсатилади): **Банк томонидан ҳужжатсиз шаклдаги эгасининг номи ёзилган номинал қиймати 100 000 сўм бўлган 120 000 дона** фоизли корпоратив облигациялар жойлаштирилган. Шу жумладан:

2010 йилнинг 22 июлида эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-рақам билан давлат рўйхатига олинган. Ушбу облигациялар сўндириш муддати келганлиги сабабли Қимматли қоғозлар бозорини мувофиқлаштириш ва ривожлантириш Марказининг 2015 йил 18 сентябрдаги 15-07/169-сонли қарорига асосан сўндирилган.

2011 йилнинг 4 ноябрида эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-2-рақам билан давлат рўйхатига олинган. Ушбу облигациялар сўндириш муддати келганлиги сабабли Қимматли қоғозлар бозорини мувофиқлаштириш ва ривожлантириш Марказининг 2016 йил 18 декабрдаги 15-07/055-сонли қарорига асосан сўндирилган.

2012 йилнинг 5 ноябрида эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-3-рақам билан давлат рўйхатига олинган. Ушбу облигациялар сўндириш муддати келганлиги сабабли Қимматли қоғозлар бозорини мувофиқлаштириш ва ривожлантириш Марказининг 2017 йил 18 декабрдаги 15-07/034-сонли қарорига асосан сўндирилган.

2013 йилнинг 26 мартада эгасининг номи ёзилган номинал қиймати 100 000 сўм бўлган 30 000 дона фоизли корпоратив облигациялар P0848-4-рақам билан давлат рўйхатига олинган. Ушбу облигациялар сўндириш муддати келганлиги сабабли Қимматли қоғозлар бозорини

мувофиқлаштириш ва ривожлантириш Марказининг 2016 йил 7 сентябрдаги 15-07/040-сонли қарорига асосан сўндирилган.

11. Ушбу чиқарилишдаги акциялар жойлаштирилишининг шартлари ва тартиби.

11.1. Ушбу чиқарилишдаги акциялар жойлаштирилишининг усули (очиқ ёки ёпиқ обуна):

(Ёпиқ обуна бўлган тақдирда, шунингдек акцияларни потенциал олувчилар доираси ҳам кўрсатилади).

Ушбу чиқарилишдаги акциялар ёпиқ обуна йўли билан имтиёзли ҳуқуқ қўлланилган ҳолда жойлаштирилади. Чиқарилишдаги акцияларнинг имтиёзли ҳуқуқни фойдаланишдан кейин қолган қисми фуқаро Axmedov Maxmud Madaminovich, Karimov Zoirjon Toxirovich, Xaydarov Akram Adxamovich, Yunusaliyev Shuxrat Raximovich va Fozilov Husanjon Ne'matovichларга мутаносиб равишда жойлаштирилади:

11.2. Ушбу чиқарилишдаги акциялар жойлаштирилишининг муддати:

(Кўрсатилади: акцияларни жойлаштиришни бошлаш санаси ва тугатиш санаси ёки акцияларни жойлаштириш муддатини белгилаш тартиби).

Агар акцияларни жойлаштириш муддати акцияларнинг чиқарилиши тўғрисидаги бирон-бир ахборотни ошкор қилиш санасини кўрсатган ҳолда белгиланса, шунингдек бундай ахборотни ошкор қилиш тартиби ҳам кўрсатилади).

Ушбу чиқарилишдаги акцияларнинг жойлаштириш муддати қўшимча акцияларни чиқарилиш тўғрисидаги қарор давлат рўйхатидан ўтказилган кундан бошлаб бир йил (365 кун) мобайнида жойлаштирилади.

Акцияларни жойлаштиришни бошлаш санаси – ушбу қўшимча акциялар чиқарилиши тўғрисидаги қарор давлат рўйхатидан ўтганлиги тўғрисидаги маълумот ва қонунчиликда белгиланган тартибда имтиёзли ҳуқуқни амал қилиш муддати тўғрисидаги билдиришнома оммавий ахборот воситаларида эълон қилинган кундан бошлаб 11 (ўн биринчи) куни. Агар бу муддат ўтгунига қадар жамиятнинг барча акциядорларидан имтиёзли ҳуқуқдан фойдаланиш тўғрисида ёки ундан фойдаланишдан воз кечиш ҳақида ёзма равишда аризалар олинган бўлса, жойлаштиришни бошлаш санаси охириги ариза келиб тушган кундан кейинги иш кунидан бошланади, бунда жойлаштиришнинг бошланиш санаси эълон ва билдиришнома берилган кундан бошлаб 10 (ўн) кундан кам бўлмаслиги лозим. Агар жойлаштириш санаси дам олиш кунига тўғри келса, банкнинг ҳисоб-китоб операцияларини амалга ошириш учун кейинги биринчи иш куни жойлаштириш санаси ҳисобланади.

Акцияларни жойлаштиришни тугатиш санаси – ушбу чиқарилишдаги энг охириги акция жойлашган кун, лекин қўшимча акциялар чиқарилиши тўғрисидаги қарор давлат рўйхатидан ўтган кундан бир йил (365 кун) ортиқ бўлмаган муддатда.

11.3. Ушбу чиқарилишдаги акциялар жойлаштирилишининг тартиби:

(Кўрсатилади: акциялар жойлаштирилишининг боришида фуқаролик-ҳуқуқий битимлар тузилишининг тартиби ва шартлари, жойлаштириш амалга ошириладиган бозорлар).

Агар эмитент томонидан акцияларни жойлаштириш эмитентга акцияларни жойлаштириш бўйича хизматлар кўрсатувчи қимматли қоғозлар бозори профессионал иштирокчиларини (андеррайтерлар) жалб қилиш билан амалга оширилса, ҳар бир бундай шахс юзасидан қўшимча равишда қуйидагилар кўрсатилади:

тўлиқ ва қисқартирилган фирма номлари, жойлашган жойи;

профессионал фаолиятни амалга оширишга доир лицензиянинг рақами, берилган санаси ва амал қилиш муддати, кўрсатилган лицензияни берган орган;

ушбу шахснинг асосий вазифалари, агарда эмитент ва унга қимматли қоғозларни жойлаштириш бўйича хизматлар кўрсатувчи шахс ўртасидаги шартномада шу каби шартнома

билан белгиланган муддатларда жойлаштирилмаган акцияларни охиргиси томонидан ўз ҳисобидан олиниши назарда тутилган бўлса, шунингдек ушбу муддат ва уни белгилаш тартиби).

Ушбу чиқарилаётган акцияларни сотиб олишда банк Уставига асосан акциядорларга акцияларни сотиб олишда имтиёзли ҳуқуқдан фойдаланиш ҳуқуқи берилади. Имтиёзли ҳуқуқдан фойдаланиш муддати 10 (ўн) кунни ташкил этади. Акциядорлар билан имтиёзли ҳуқуқни қўллаган ҳолда акцияларни жойлаштириш амалга оширилган тақдирда биржадан ташқари уюлмаган бозорда тўғридан-тўғри фуқаролик-ҳуқуқий битим тузиш орқали амалга оширилади.

Имтиёзли ҳуқуқнинг амал қилиш муддати тугаганидан кейин биржадан ташқари уюлмаган бозорда Axmedov Maxmud Madaminovich, Karimov Zoirjon Toxirovich, Xaydarov Akram Adxamovich, Yunusaliyev Shuxrat Raximovich va Fozilov Husanjon Ne'matovich фуқаролари билан банк ўртасида тўғридан-тўғри шартнома тузиш орқали жойлаштирилади.

Ушбу чиқарилишдаги акцияларни жойлаштириш бўйича андеррайтерлар жалб қилинмайди.

11.4. Қимматли қоғозлар марказий депозитарийси ва қимматли қоғозларга бўлган ҳуқуқларни ҳисобга олишни амалга оширувчи инвестиция воситачисининг ташкилий-ҳуқуқий шаклини ўз ичига олган тўлиқ фирма номи, жойлашган жойи, почта манзили, телефони:

Қимматли қоғозлар Марказий депозитарий тўғрисида маълумот:

номи – «Қимматли қоғозларнинг Марказий депозитарийси» акциядорлик жамияти;

жойлашган жойи ва почта манзили – 100170, Тошкент шаҳри, Мирзо Улуғбек тумани, Мустақиллик шоҳкўчаси, 107-уй; телефон: 71-267-37-42; расмий веб-сайт: www.uzcsd.uz, электрон почта манзили: info@uzcsd.uz.

«DEPO INVEST TRAST» масъулияти чекланган жамияти:

Жойлашган жойи ва почта манзили: 100000, Тошкент шаҳри, Осиё кўчаси, 6-уй, 87-хонадон; телефон: 78-150-39-53; факс: 78-150-39-53; расмий веб-сайт: www.depinfra.uz; электрон почта манзили: depinfra@mail.ru.

11.5. Ушбу чиқарилишдаги жойлаштирилаётган акцияларни олишга бўлган имтиёзли ҳуқуқни амалга ошириш тартиби:

(Жойлаштирилаётган акцияларни олишга бўлган имтиёзли ҳуқуқ тақдим этилган тақдирда қуйидагилар кўрсатилади:

бундай имтиёзли ҳуқуққа эга шахсларнинг рўйхати тузилган сана (санани белгилаш тартиби);

жойлаштирилаётган акцияларни олишга бўлган имтиёзли ҳуқуқни амалга ошириш эҳтимоли тўғрисида билдириш тартиби;

жойлаштирилаётган акцияларни олишга бўлган имтиёзли ҳуқуқни амалга ошириш тартиби).

Банк томонидан акцияларни жойлаштиришда оддий (овоз берувчи) акцияларнинг эгалари бўлган акциядорлар уларни имтиёзли равишда олиш ҳуқуқига эга. Имтиёзли ҳуқуққа эга бўлган шахсларнинг рўйхати қимматли қоғозларни чиқариш тўғрисидаги қарор қабул қилинган санадаги, яъни 2024 йил 3 декабрь ҳолатига шакллантирилган банк акциядорлари реестрининг маълумотлари асосида тузилади.

Банк акцияларини чиқариш тўғрисидаги қарор давлат рўйхатидан ўтказилгандан сўнг, белгиланган тартибда оммавий ахборот воситаларида эълон қилиш орқали имтиёзли ҳуқуққа эга бўлган ўз акциядорларига

акцияларни ўзига тегишли шу турдаги акциялар миқдорига мутаносиб миқдорда жойлаштирилади.

Имтиёзли ҳуқуқнинг амал қилиш муддати тегишли ахборот эълон қилинган кундан бошлаб 10 кунни ташкил этади. Бунда, акциялар чиқарилиши давлат рўйхатидан ўтган кундан бошлаб беш иш куни мобайнида, Банк акциядорларни оммавий ахборот воситаларида эълон қилиш орқали жойлаштирилаётган акцияларни сотиб олишда уларнинг имтиёзли ҳуқуқидан фойдаланиш имконияти туғрисида хабардор қилади. Эълонда: жойлаштирилаётган акцияларнинг сони, уларни жойлаштириш нархи, ҳар бир акциядор сотиб олишга ҳақли бўлган акцияларнинг сонини аниқлаш тартиби, акциядорларнинг бу ҳуқуқи амал қиладиган муддат ва уни амалга ошириш тартиби туғрисидаги маълумотлар бўлиши лозим.

Имтиёзли ҳуқуққа эга бўлган акциядор акцияларни сотиб олиши туғрисида ўзининг исми-шарифи (номи) ва яшаш жойи (жойлашган ери), ўзи оладиган акцияларнинг сони кўрсатилган ёзма шаклдаги аризани ва ҳақ тўлаганлик туғрисидаги ҳужжатни Банкка юбориш орқали ўз имтиёзли ҳуқуқини тулиқ ёки қисман амалга оширишга ҳақли. Бундай ариза мазкур имтиёзли ҳуқуқнинг амал қилиш муддати ичида Банкка тақдим этилиши керак.

Имтиёзли ҳуқуқнинг амал қилиш муддати, агар бу муддат ўтгунига қадар Банкнинг барча акциядорларидан имтиёзли ҳуқуқдан фойдаланиш туғрисида ёки ундан фойдаланишдан воз кечиш ҳақида ёзма равишда аризалар олинган бўлса тугайди. Имтиёзли ҳуқуқдан бошқа шахс фойдасига воз кечишга йул қўйилмайди

11.6. Ушбу чиқарилишдаги акциялар баҳоси (баҳолари) ёки жойлаштириш баҳосини белгилаш тартиби:

(акциялар баҳоси (баҳолари) ёки жойлаштириш баҳосини белгилаш тартиби кўрсатилади.

Агар акцияларни жойлаштиришда акцияларни олишга бўлган имтиёзли ҳуқуқ тақдим этилса, қўшимча равишда бундай имтиёзли ҳуқуққа эга шахсларга баҳо ёки жойлаштириш баҳосини белгилаш тартиби кўрсатилади.)

Қўшимча чиқарилишидаги акциялар бозор қийматида, лекин номинал қийматидан кам бўлмаган нарҳда жойлаштирилади. Акциялар жойлаштириш нарҳи қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан банк Кузатув кенгаши томонидан белгиланади.

11.7. Акцияларни тўлаш шартлари ва тартиби:

(Акцияларни тўлаш шартлари, тартиби, шу жумладан ҳисоб-китобларнинг шакли, кредит ташкилотларининг тўлиқ ва қисқартирилган фирма номлари, уларнинг жойлашган жойи, акциялар тўланишига келиб тушадиган пул воситалари кўчирилиши лозим бўлган ҳисобварақларнинг банк реквизитлари, тўлов шохобчаларининг манзили (нақд пул шаклида тўланганда).)

Акциялар пул бўлмаган воситалар билан тўланган тақдирда акциялар тўланиши мумкин бўлган мол-мулк, тўлов шартлари бундай тўлов шароитида расмийлаштириладиган ҳужжатлар (мол-мулкни қабул қилиш-топшириш далолатномаси ва ҳоказо) билан, шунингдек бундай мол-мулкнинг бозор қийматини аниқлаш учун жалб қилинадиган баҳоловчи (баҳоловчилар) туғрисидаги қуйидаги маълумотлар кўрсатилади:

баҳоловчининг тўлиқ ва қисқартирилган фирма номлари, жойлашган жойи;

баҳолаш фаолиятини амалга оширишга доир лицензиянинг рақами, берилган санаси ва лицензиянинг амал қилиш муддати, кўрсатилган лицензияни берган орган.)

Ушбу чиқарилишдаги акциялар учун тўловлар Ўзбекистон Республикасининг миллий валютасида амалга оширилади. Акцияларни жойлаштириш жараёнида акциялар учун тўловлар пул маблағлари билан нақдсиз шаклда амалга оширилади.

Акциялар учун келиб тушган пул маблағлари “Тижорат банкларида бухгалтерия ҳисобининг ҳисобварақлар режаси”га (Ўзбекистон Республикаси Адлия вазирлигида 2021 йил 26 ноябрдаги 3336-сон билан рўйхатга олинган) асосан 30318 – «Чиқарилган устав капитали – Оддий» ҳисобварағида ҳар бир акциядор учун алоҳида очилган ҳисобварақларда олиб борилади.

11.8. Ушбу акциялар чиқарилиши амалга ошмаган деб топилган тақдирда эмитент томонидан акциялар тўлови сифатида олинган воситаларни қайтариш тартиби: Қўшимча акцияларни чиқариш тўғрисидаги қарорда белгиланган акцияларни жойлаштириш муддати тугаган санада (ушбу чиқарилишдаги энг охириги акция жойлашган кун, лекин қўшимча акциялар чиқарилиши тўғрисидаги қарор давлат рўйхатидан ўтган кундан бир йил (365 кун) ортиқ бўлмаган муддат) ушбу қўшимча чиқарилаётган акцияларнинг 60 фоизидан кам қисми жойлаштирилган тақдирда акциялар чиқарилиши амалга ошмаган деб топилади, акциялар чиқарилиши амалга ошмаган деб тан олинган тақдирда, акциялар учун тўланган пул маблағлари ушбу чиқарилиш амалга ошмаган деб топилган кундан бошлаб 10 (ўн) кун ичида акциядорларга тўлиқ қайтариб берилади ҳамда банк томонидан белгиланган тартибда акциялар чиқарилиши амалга ошмаганлиги тўғрисида оммавий ахборот воситалари орқали хабар берилади.

12. Эмитент томонидан қимматли қоғозлар чиқарилиши (қўшимча чиқарилиши) тўғрисидаги ахборотни Ўзбекистон Республикаси қонун ҳужжатларига мувофиқ ошкор қилиш тартиби:

Акциялар чиқарилиши тўғрисидаги қарорнинг асл нусхаси ва нусхалари билан Ўзбекистон Республикаси, Тошкент шаҳри, Мирзо Улуғбек тумани, Навниҳол МФЙ, Тепамасжид кўчаси, 4-уйда жойлашган АТ «Алоқабанк»нинг Бош офисида танишиш мумкин.

Акциялар чиқарилиши давлат рўйхатидан ўтказилганлиги тўғрисидаги ошкор этилиши лозим бўлган маълумотлар акциялар чиқарилуви давлат рўйхатидан ўтказилганидан сўнг ўрнатилган муддатда Корпоратив Ахборот ягона порталида (www.openinfo.uz), «Тошкент» Республика фонд биржасининг расмий веб-сайтида (www.uzse.uz) эълон қилинади, ҳамда АТ «Алоқабанк»нинг интернетдаги саҳифасига жойлаштирилади. Саҳифа манзили: www.aloqabank.uz.

13. Бошқа маълумотлар. Кўзда тутилмаган.